

命運界大發明
巧洩造化靈秘

命名寶鑑
居家必需

傳家寶

中國姓名學

吉名受福
人生一世

凶名遭殃
名留千秋

楊坤明著

中華民國二十年六月九日初版
中華民國二十八年十一月一日增修再版

無價寶

著者 楊坤明
發行者

發售所 中國命名社

暫定天津市大經路南首門牌二六八號宜文齋

版權案印受律必法制
版權案印受律必法制

- 1 以原有姓名請鑑定其吉凶一人名禮金一元
- 2 請代撰理想的美術的善良的能迎納瑞氣之吉名一人名禮金五元以上
- 3 以姓名細批終身流年運禮金一百元

嚴禁冒名私印或竄改剽竊佔爲已有盜名侵利仰四方君子自重如欲買收
版權或欲翻印請與著作者商議爲荷

富貴壽夭是否自作。吉凶禍福是否天定。英傑偉人是否天造。貧病短命是否生定。本學以命名原理解答以上諸問題。同時並能以君之姓名。測知已往現在及未來之禍福。

舊思想者讀本學之後	可以打破已往之迷信
新思想者讀本學之後	可以事實證明不再受舊說之誤
爲家長者讀本學之後	可以爲子女造將來之幸福
執教鞭者讀本學之後	可以使學生勤奮進步
理商店者讀本學之後	可以使店務發達
星相學者讀本學之後	可以輔佐星相學理論之不足
爲政者讀本學之後	可以整理人民戶口氏名之系統

中國姓名學淺義目錄

第一章	姓名學發明之由來	十一頁
第二章	姓名學之定義	十三頁
第三章	姓名之呼應與命運活動之關係	十四頁
第四章	姓名之命運原理	十五頁
第一節	姓與名之意義	十七頁
第二節	姓與名天數地數之配比	二十一頁
第三節	姓名陰陽八卦之配和	二十三頁
第四節	姓名五行之配置	三十一頁
第五節	姓名字畫之數運	三十五頁
第五章	命名之二十一細則	五十一頁
第六章	命運吉凶轉移試驗之成績	五十六頁
第七章	姓名學之問答	六十一頁

附 錄

第一項	數字之意義	七十五頁
第二項	姓楊者命名應得字畫數之排和法	七十六頁
第三項	易誤字畫之文字	七十七頁
第四項	五行陰陽之文字	七十八頁
第五項	古法與新法之比較	八十六頁
第六項	五氣百家姓意義	八十七頁

終

民國二十三年四月十一日的天津益世報

評

鳴鼓集

子曰「小子，鳴鼓而攻之可也」

編者曰「篇中隱隱，有鼓聲焉」

楊坤明，不知何許人，突以其大作中國姓名學見寄。全書意義，莫測高深。僅將其序文披露，已耐人尋味矣。

民國二十三年五月二十七日的天津民報

評

記者謹案，中國姓名學一書，爲福建楊坤明先生所著，雖文辭稍欠圓融，而學理則極精深，此迨根據科學辨證法推測以出者，世人每言命運如何，窮通壽夭如何，或羨他人，或慕往古，其實此中自有定數，而姓名亦與有關係焉。倘能人手一本，詳加研究，推他人姓名之字畫數以及於我本身，卽不難知其所由如斯之原理，或更名字以穰之，或修德以致之，則夭者可壽，而窮者可通矣。社會人士對於自身及子女之姓名不可不一研究之，世不乏明眼人，其亦許我爲知言乎。

序

國人之命名，每好獨自標異，研究字號，煞費苦心，迷信五行子平之人，終日孳孳於命運之厚薄，固爲貧民富人同一所趨也。然而其中心思想，無非藉命運，而企圖生活安適，喜逸惡勞，恒情也，趨吉避凶自所定然。我國自古以來，民情樸厚，對於命名，雖無人不名，無物不名，而所謂求一命名之參考資料，以資借鏡其趨福避禍之書籍絕無，然而古來至今，嘗見俗謂偷用他人之乳名而長命百歲，借用某偉人之大名，而其衷心亦非不願追蹤其偉人之地位也。於是衍至目前，命名之推敲研究，益將耗神矣，廈門楊坤明先生有鑒於此，發明「中國姓名學」積二十餘年之研究，以高深之哲理，寫出亘古之巨著，其名卽爲「姓名學」也。經朋好等之慫恿，卽訂成帙，分贈知人，對外仍自晦秘不願輕易示人，燁於民國二十二年，經民報主筆魯嗣香先生之介紹得識先生，客秋又於津門相值，始蒙先生以新著姓名學相示，其內容之豐富說理之明晰，允稱獨步，較諸過去分贈知交者，尤爲精深。燁思先生之著述此書，乃爲造福社會於萬世，使大家得知避凶趨吉之法，可以自造命運，其裨益於國家，豈不巨大，特懇請先生付梓發表，以爲讀者諸君命名之參考借鏡，今逢次版問世，草綴數語，爲之

序焉。

民國二十七年六月一日

天津大北報記者陳燁

坤明先生大哲學家指示

自求多福

前湖北省督辦陳嘉謨題

坤明先生指示

自造命運

前駐日大使謝介石題

中國姓名學 序

再版序

楊坤明誌

余自幼讀新書，對於先賢主張立命運各學說，咸抱猜疑，又鑑我中國同胞四億民衆，上自權貴下至庶民，不論男女，均有命名，然自古以來，可資借鏡，參考命名之書籍，從無專本，爲士者，雖知命名應取良善之名，亦未能充分完其理想的之學理，而庶民百姓更有特別之用意，卽以凶惡之名，命名於子女身上，意在使陰鬼怨魂，駭怕討厭不來拘捕，以期保護其子女之生命，爲大吉。似此。可笑又可歎也。余向抱濟世救人之心。希期世人趨吉避凶。已用有二十餘年之苦心，調查研究著述是書。曾於民國二十年六月九日在廈門初次出版一千本，或分贈或兌賣，早已完罄。但因無暇可經營推銷於全國同胞之前。以致是書於此十年間。在京津滬漢粵閩及台灣南洋等處。受奸人冒名頂替，並更改書名。或曰姓名吉凶測驗學。或曰姓名哲學。或曰實驗姓名學。或曰中華命名學。其內容或增減章句改換文詞。或抄襲文詞排換前後。各竊爲己有。暗中私印。販賣於市上。埋歿原著者之名譽。兼奪取財利。誠可浩歎矣。故凡無著者之相片及印章之姓名學，均係冒名假充，抄襲私印者。

請讀者諸君留意之是幸，著者今旅居津門，受認識是書之知友要求，敢以公閑之餘，再爲詳

細增修，分爲二部，一爲淺義，又一爲精義以貢獻社會，以盡人羣之責任，其精義一書，能知生死貧富之流年運，爲非賣品專贈寄天下名山寺院與社會圖書館暨有緣者，蓋恐再受奸人冒名假充奪爲己有。不佞學識淺陋，多不知量，草成本學二部，企望四方賢能君子校正之，庶幾全國同胞幸甚。

民國二十八年六月九日

記於津門白河茅舍

姓名學立說之特色

- 一、打破封建時代之單純命運思想
- 二、擴大民族意識之精神
- 三、輔佐政治之推進協助戶口行政之進行及人民氏名之整理
- 四、維持社會家庭之安寧秩序
- 五、喚醒人生勿憤慨勿怨天尤人勿自殺殺人，尙有一線之曙光可以期待
- 六、掃除先天之凶命以後天之哲理補救其缺陷重造一新命運以完成一人一家之幸福
- 七、指導人生在國家立法社會制度之下安然渡到主觀的命運之彼岸

姓名學之問題

孫中山先生當時，何不自名曰孫外山？中山與外山孰吉？又蔣介石先生當時，何不自名曰蔣介沙？介石與介沙孰吉？又汪精衛先生當時何不自名曰汪不衛？精衛與不衛孰吉？此三大偉人之成功富貴，專在此吉名之因果矣。論人生之壽夭富貧專在自己姓名是非之因果，故爲父母及教師者，對子女及學生命名，其責任重大，蓋人生一世名留千秋，不可隨意糊塗亂行命名也。後人若不一心一意研究澈底以半知半解而代人選名命名必招來相反之結果遂致被世人譏爲一種之迷信。希讀者注意之。

中國姓名學序

廈門楊坤明誌

夫世人，誰不思求幸福，忌避災殃，掃去不幸之事歟，富貴幸福人所欲，貧賤困難人所忌，此不待智者，而後知也。雖然，不論古今，不論東亞及西洋，幼時失父母，長大夫妻無緣，老時扶杖失兒女，或遭水火劍盜之難，或犯疾病之苦，以及其他之不幸事，沉淪於悲慘之境，遇者極多，而身體健全，謀事如意，名利雙收，富貴且長壽，完其五福者，晨星寥寥，千萬人之中，幾有其人乎？這是何道理此是何因果。據古賢先哲之說云，人之命運，是先天之因果，其發啼呱呱之聲，出生於母腹之時，即決定矣。此乃生辰八字之學說，此學說有令人怨天自殺之嘆，青天有厚彼薄此之嫌，又曰土地風水之因果，此學說有令人恨地之嘆，爭佔土地山林，阻碍地方路政開墾之嫌，又或曰，祖先父母之德不德，以及自己前世善惡之因果，此學說有令人自辱不孝之嫌，此三學說，雖相傳千年之久，但無改造補救之術，任其存亡榮枯，誠不得其無憾矣。既如是，何學說可令人信仰歟？曰，上天有好生之德，生人平等，使人自由，決無厚彼薄此之不公平，而人生之幸不幸，吉凶禍福，皆根據自己姓名之是非如何，而逐漸變化形成其命運也。則姓名因果，後天造就之主張也。世人初聞此新時代之新學說

·必譏笑曰，非此道理也。曰，誠此道理也。蓋姓名者確有其文字之意義（靈意）在焉。夫文字若不採川爲姓名，則文字乃死物也。如以爲姓名，則吾人之精神受文字之靈意及字畫之數理之支配驅使也。夫其名之文字之意義，命名於子女之身上者，乃永久之暗示，而其子女之賦天之資能，守名字之靈意而活動，依其名以形成其一生之命運，此毫無可疑問者也。孩童讀惡書聽惡話，後日成惡人，讀善書聽好話成善人，此乃一定不移之原理也。是故命名惡名成惡運，命名吉名成吉運。孔子曰，顧名思義，名不正，則言不順，戰不利。又曰遠聞芳名，久仰大名，大名鼎鼎，留名千古。又佛菩薩亦曾對學道之弟子改去凶名，授與吉名，佛經文云，釋迦牟尼世尊之乳名，由父王命名曰悉達多，其意義曰，一切成就，世間無難事。又曰聞佛之名一切罪惡及百病可除。又耶教聖經云，耶穌未生之先，聖神夢示，如嬰孩產生，務須命名耶穌基督。耶穌亦曾對十二門徒命名新名，對門徒曰，勿以能行神權逐鬼醫病爲歡喜，須以新名字能蒙久記在天上爲榮譽。舊約聖經云，有許多人蒙耶和華上帝命名新名字，而後戰勝爲帝王偉人，奉托耶穌之名祈禱上帝必允許。又前清科舉之時代，因名之不吉不順而不許及第狀元者，亦有其人矣。如此，古今儒釋耶三教之聖人賢人皆十分重視命名，以適應其資能之活動，期待造成後天之吉命運，是故吾人之命名豈可忽諸哉。著者在學界政界服

務之閑餘，致力研究古今人姓名之吉凶，凡有二十年，以統計法調查其賢愚，成功，失敗，貧富，康壽，病夭之事實及實地試驗，得有良好之成績，故確信名字有支配命運之能力。著者參考中外數種之書籍，並古來之學說，經幾多之實驗比較，始確認名字之吉凶，有關連吾人自身一世之命運焉。夫同爲兄弟同爲姊妹，何以前程之禍福不同乎？此乃名字不同之因果也。何謂，喻以新購來同樣同價之木桶有二，一名曰飯桶即行其爲飯桶之運氣，置於桌上盛飯。一名曰水桶即行其爲水桶之運氣置於庭隅盛水。倘此二木桶同名稱，則必受同等之待遇矣。再買來同樣之新白布二疋，一疋曰做衫即行其爲衫之運氣，受人尊重染香水插花，又一疋曰做褲，即行其爲褲之運氣，受人輕視污辱，倘此二疋之白布同名稱必受同等之待遇矣。吁，似此同樣同質同價之物，本平等無缺陷，亦因主人名其不同之名稱，即遭幸不幸差別之待遇，況且吾人有靈性是萬物之靈長，確是根據其命名之名之靈意及字畫之數理及字之陰陽及字之五行而活動形成前途之命運焉。不佞不願愚蒙淺學，不會弄美麗文章，敢以淺白文法，編成本學貢獻社會，幸勿以著者係世人所不認識之人，又無冠各界偉人名士之題序，而輕視本學之哲理，企望賢能君子者，再三研究之，抑著者之微願在茲焉。本學之寶貴價值，有二十年之苦心，遂得有八十一畫之靈數，以事實及實驗爲基礎，和百家姓而編成者，其詳密

正確萬無一失也。凡對兒女命名以及擬店名，公司名，銀行名，船名，航空機名，公會名，社團名，藝妓名，商品名，書籍名等，希望一律依照本學之學理，留意之研究之，庶幾社會人群幸甚。

中華民國二十年六月九日

記於鷺江茅舍

第一章 姓名學發明之由來

著者係一寒士，非文豪家，不會舞弄筆墨，妙寫虛偽之事，飾排美詞麗句，如小說以悅人之耳目取利也。祇以大衆化之淺白文法，陳述學理，貢獻於社會人羣，期待讀者之子女得幸福焉。不佞乃新時代之人，對於命運，惟信先天各人皆平等，後天各人皆自由，天道極公平仁慈之至，有如父母之愛子女，皆願其智慧長壽富貴康健，天道豈不然哉。故信之天命決無厚彼薄此之道理也，竊維先天決定之說，多寓有令人怨天尤人，罵地恨已，發生父子骨肉分離，一家悲慘，自殺殺人，妨害社會安寧秩序，遺憾之點甚多矣。必有一正確不移之新命靈理，存在宇宙人間焉。故在學界政界服務之閑餘，用心攻究中外哲學，累月積年有二十餘年之久。發明本學最初心理之動機，實據稗史唐朝李世民與海龍王訴訟於陰府，李世民的靈魂遊陰府時，受閻羅王將彼之三十三歲各添改二畫，爲五十五歲，每字多二畫感想此二畫有如此之生死利害。又百壽圖一劇之故事，有南極北極二星君，將一牧童，壽享十九歲者，把十字之字上，添一畫成爲九九歲，感想此一畫更有莫大之長壽。又三國龐統之字曰鳳雛，於落鳳坡仲箭陣亡。此亦因地名有尅殺人名，致凶死之因果矣。又湯玉麟爲民國之將，鎮守熱河，民國二十一年失地逃亡，此亦因地名及姓之意義，有雙尅人名，致喪地失城之因果也。何謂